

peo gestans. Inscriptio literis Græcis legitur: ΟΥΡΙΑΝΩΝΑΥΧΙ
 Infrà subscriptum: AΛΕΙΝ.



GORDIANVS IUNIOR, Gordiani senis Procōsulis filius ex Fabia Orestilla Antonii pronepte natus, literis & moribus clarus fuit. In studiis grauissimæ opinionis, forma conspicuus, memoriæ singularis, bonitate insignis, adeò vt semper in scholis, si quis puerorū verberaretur, lacrymas non teneret. Quæsturam, Heliogabalo autore, promeruit, idcirco quòd luxurioso Imperatori, lasciuia iuuenis, non tamen luxuriosa, neque infamis prædicata esset. Præturam sub Alexandro vrbanam tenuit, in qua tantus, Iurisdictionis gratia, fuit, vt statim consulatum, quem pater serò acceperat, mereretur. Maximini seu Alexandri eiusdem temporibus ad proconsulatum patris missus legatus est. Atque vnà cum patre in Africa ab exercitu Imperator creatus est, & à Senatu Augustus dictus. Antonini quoq; nomen primis sui natalis diebus, mox in Senatu sibi inditum recepit. Contra Capellianum cum exercitu maximis tempestatibus dissipato, à patre missus, ab eo victus, in prælio occubuit, Aetatis anno XLVI.

Posterior huius Numismatis pars continet statuam muliebrem galeatam, cristatam, pectore seminudo, trophæis insidentem, sinistra hastam, dextra victoriolam ferentem, quæ & ipsa dextra fert coronam Lauream, sinistra ramum Palmæ, cum inscriptione: ROMÆ AETERNÆ. S. C.

q Moneta.